



JORNAL da REPÚBLICA

§ 1.00

PUBLICAÇÃO OFICIAL DA REPÚBLICA DEMOCRÁTICA DE TIMOR - LESTE

SUMÁRIO

MINISTÉRIO DA EDUCAÇÃO E CULTURA:

DESPACHO NO.1 /GME/2008..... 801

COMISSÃO NACIONAL DE ELEIÇÕES (CNE):

Konta Finansiamentu Kampañe Eleisaun Jeral 2007 husi Kandidatus, Partidu Politikus no Koligasaun Partidaria sira: Rezultadu Verifikasaun husi Comissão Nacional de Eleições (CNE)801

MINISTÉRIO DA JUSTICA:

Centro de Formação Jurídica814

DESPACHO N.º 1/GME/2008

Dou por finda, por conveniência de serviço, a comissão de serviço do Sr. Ângelo Soares Ximenes no cargo de Chefe do Departamento de Finanças da Direcção Nacional de Administração, Finanças, Logística e Aprovisionamento do Ministério da Educação, nos termos e ao abrigo do disposto na alínea a), do n.º 1, do artigo 25.º, do Decreto-Lei N.º 19/2006, de 15 de Novembro, que aprovou o Regime das Carreiras e dos Cargos de Direcção e Chefia da Administração Pública.

O presente despacho produz efeitos a partir da data da sua publicação.

Publique-se.

Díli, aos 8 de Janeiro de 2008

João Câncio Freitas, Ph.D
Ministro da Educação

**Konta Finansiamentu Kampañe Eleisaun Jeral 2007
husi Kandidatus, Partidus Politikus no Koligasaun
Partidaria sira:
Rezultadu Verifikasaun husi Comissão Nacional de
Eleições (CNE)**

A. Intrudusaun

Iha primeiru semester tinan 2007, Timor-Leste hala'o ninia

eleisaun jeral, ne'ebe hahu'u ho eleisaun prezidensial no remata ho eleisaun parlamentar iha Fulan-Junnu nia rohan. Eleisaun prezidensial tenki hala'o dala rua, tamba iha primeira volta, ne'ebe hala'o iha loron 9 Fulan-Abril, husi kandidatu konkorente sira hamotuk na'in ualu (inklui mos feto ida) la iha ida mak hetan votu maioria absoluta. Entaun, kandidatu konkorente sira na'in rua mak hetan votu barak liu (Francisco Guterres - Lu-Olo no Jose Ramos Horta) tenki hakat ba no konkore hikas iha segunda volta, tuir Lei Eleisaun Prezidensial nian haruka.

Kandidatu sira na'in ualu mak konkore ba eleisaun prezidensial primeira volta mak hanesan:

1. Francisco Guterres - Lu-Olo
2. Avelino M. Coelho - Shalar Kosi F.F.
3. Francisco Xavier do Amaral
4. Manuel Tilman
5. Lucia Maria B. F. Lobato
6. Jose Ramos Horta
7. Joao Viegas Carrascalao
8. Fernando "Lasama" de Araujo

Ba eleisaun parlamentar, ne'ebe hala'o iha loron 30 Fulan-Juñu 2007, iha partidu politiku konkorente hamotuk **sanulu-resin-neen**. Maioria partidu politiku sira konkore individualmente ba eleisaun ne'e, ekseptu partidu politiku **hat**, ne'ebe hakat ba eleisaun ne'e ho maneira halo koligasaun/alianza. Ne'e mak hanesan Koligasaun ASDT-PSD no Aliansa KOTA-PPT.

Nudar parte husi prinsipiu transparansia no akuntabilidade nian, lei eleitoral (prezidensial, parlamentar) no regulamentu kampañe eleitoral rekere kandidatu sira, partidu no koligasaun partidaria sira atu hatama konta finansiamentu kampañe eleitoral nian ba CNE, atu orgaun supervizora eleitoral ida ne'e bele verifika no publika sai iha Jornal da Republica, nudar jornal ofisial estadu nian. Atu fasilita kandidatu sira, partidu politiku no koligasaun partidaria sira halo no hato'o sira nia relatoriu, no atu fasilita mos servisu komisaun ne'e nian iha prosesu verifikasaun ba relatoriu sira ne'e, CNE dezenia no prepara formulariu balu, no ne'e kompostu husi formulariu 1 to'o formulariu 5. CNE depois fahe formulariu sira ne'e, inklui mos ninia kopia elektronika, ba representante kandidatu sira, representante partidu no koligasaun partidaria sira. Aleinde ne'e, liu husi sorumotuk dala hirak ida ho sira, CNE fo mos esplikasaun kona-ba oin-sa atu bele preenxe formulariu sira ne'e ho informasaun sira mak relasionadu ho finansiamentu kampañe electoral nian.

Lei eleisaun prezidensial (No. 6/2006) hatur katak periodu kampañe eleisaun prezidensial sei hala'o durante loron sanulu-

nia laran, hafoin remata tiha eleisaun;

- Ba eleisaun prezidensial (primeira volta) nian, informasaun sira mak tenki apresenta iha relatóriu ne'e kobre periodu hahu'u husi loron 8 Fulan-Fevereiro to'o loron 11 Fulan-Abril Tinan 2007. Maibe, ba kandidatu sira na'in rua - Francisco Guterres Lu-Olo no Jose Ramos Horta -, nudar kandidatu sira mak hetan votu barak liu, ne'ebe tenki konkore hikas ba segunda volta, periodu legal ba gastus kampañe electoral sei kobre to'o loron 11 Fulan-Maiu 2007;
- Hafoin halo tiha ninia verifikasaun, CNE hare katak mai-oria husi relatoriu finansiamentu kampañe nian sira mak tama ne'e la kumpri tuir prazu (tempu) ne'ebe mak lei hatuur. Kandidatu sira maioria, por ezemplu, foin hatama relatoriu ba CNE iha Fulan-Jullu, hafoin liu tiha fulan tolu resin husi eleisaun prezidensial primeira volta (9-04-07), ka hafoin liu tiha fulan rua resin husi eleisaun prezidensial segunda volta (09-05-07). Iha mos relatoriu ida, ne'e mai husi Kandidatu Lucia Maria B. F. Lobato, mak foin hatama ba CNE iha meadus Fulan-Dezembro 2007;
- Iha kandidatu na'in ida (Sr. Jose Ramos Horta, ne'ebe hetan votu maioria no ikus mai eleitu nudar Prezidente República) mak seidak hatama ninia relatoriu to'o oras ne'e, maiske dala barak ona mak CNE, liu husi karta, telefones (husi Sekretariadu CNE no mos husi Prezidente CNE), karta elektronika, no kontaktus ho koordenador ekipa susesu kampañe kandidatu ne'e nian (Sr. Dionisio Babo) no ho pesoal apoiu administrativu Gabinete Prezidensial nian, hodi fo hanoin kona-ba dever atu hatama relatoriu ne'e.

b. Ba Eleisaun Parlamentar

- Maioria husi partidu politiku sira kumpri duni sira nia dever hodi hatama relatoriu finansiamentu kampañe eleitoral nian ba CNE iha prazu (tempu) mak lei hatuur, fulan ida hafoin remata tiha eleisaun. Maioria husi relatoriu sira ne'e CNE simu iha Fulan-Jullu nia rohan. Maibe, iha partidu ida (Partidu PSD) foin hatama ninia relatoriu iha loron tolu (3) Fulan-Janeiru Tinan 2008, hafoin CNE dala barak kontakta liu husi karta, via telefones, no kontaktus diretus, fo hanoin kona-ba dever ne'e.

2. Uzu husi Formuláriu CNE nian

- Atu fasilita kandidatu sira, partidu politiku no koligasaun partidaria sira hodi hato'o konta finansiamentu kampañe eleitoral nian, no atu fasilita mos orgaun fiskalizadora eleitoral ne'e ninia servisu verifikasaun informasaun kona-ba kestaun ne'e, CNE prepara no fahe formuláriu hamotuk oin lima – husi Lista 1 to'o Lista 5. Formatu ka estrutura lista ka formuláriu sira ne'e dezeinvolve tuir ezizensia tipu informasaun sira ne'ebe mak rekeridu no tenki inklui nudar materia konta finansiamentu kampañe eleitoral nian;
- Maibe, iha realidade, maioria husi relatoriu sira mak tama - husi kandidatu sira ba eleisaun prezidensial no husi partidu politiku sira ba eleisaun parlamentar - la uza

lista ka formuláriu sira nebe'e maka CNE prepara no fahe tiha ona ba sira;

- Iha duni relatoriu balu uza formuláriu sira ne'e, maibe la preenxe kompletu ho informasaun sira ne'ebe mak rekeridu. Ida ne'e laos nudar violasaun ida hasoru provizaun legal ruma. Maibe, wainhira kandidatu no partidu ida-idak uza formatu nebe'e diferente, tuir ida-idak ninia modelu mak ne'e difikulta CNE ninia servisu atu revê informasaun sira mak hatur iha relatoriu sira ne'e no bele halakon tiha mos informasaun esensial sira nebe'e mak CNE prezisa.

3. Relatóriu Koligasaun/Aliansa Partidaria sira nian

- Ba eleisaun parlamentar ne'e, konkore mos koligasaun partidaria ida (ASD-PSD) no aliansa partidaria ida (KOTA-PPT);
- Ho razaun koligasaun/aliansa partidária sira ne'e simu fundu hamotuk husi Estado Timor-Leste liu husi Governu Konstitusional Daruak no Datoluk nian, no tamba ein jeral sira hala'o hamotuk mos aktividade kampañe eleitoral, entaun hein mos katak sira sei hatama relatoriu hamotuk kona-ba finansiamentu kampañe nian no ba gastus kampañe nian sira seluk;
- Maibe, iha realidade, koligasaun/aliansa partidaria konkorente ba eleisaun parlamentar ne'e - ASDT-PSD no AD KOTA-PPT - la apresenta relatoriu hamotuk. Sira halo no apresenta relatoriu ida-idak no iha prazu la hanesan. Ne'e halo prosesu verifikasaun ba relatoriu sira ne'e sai mos difisil.

4. Deklarasaun Bankária

- Artigu 32 husi regulamentu STAE/III/2007 husu kandidatu sira, partidu no koligasaun sira tenki organiza no mos haketak konta ida ba kampañe eleitoral nian ba sira nia despejas no rendimentu hodi nune'e bele sai posivel atu hatene tuir sira nia situasaun finanseira. Ne'e importante atu hodi hatene movimentu no pozisaun finanseira iha malakan (inisiu) no iha periodu kampañe nia rohan, no bele fasilita identifica karik iha fonte ilegal ruma ka karik akontese gastus mak hala'o li'ur husi periodu legal. Li'ur ka "fora" (husi lian portugues) iha ne'e bele entende nudar "molok" no bele mos "hafoin" ka "liu husi" periodu legal ba gastus kampañe nian;
- Kona-ba periodu legal ne'e, artigu 33 husi Regulamentu Kampañe Electoral STAE/III/2007 estipula katak "hahu husi loron nebe'e publika loron ba eleisaun nian to'o liu tiha loron rua husi loron eleisaun nian". Ba eleisaun prezidensial (primeira volta) nian, informasaun sira mak tenki apresenta iha relatóriu ne'e kobre periodu hahu'u husi loron 8 Fulan-Fevereiro to'o loron 11 Fulan-Abril Tinan 2007. Maibe, ba kandidatu sira na'in rua - Francisco Guterres Lu-Olo no Jose Ramos Horta -, nudar kandidatu sira mak hetan votu barak liu, ne'ebe tenki konkore hikas ba segunda volta, periodu legal ba gastus kampañe electoral sei kobre to'o loron 11 Fulan-Maiu 2007; ba eleisaun parlamentar periodu legal ne'e kobre

kompara ho apoiu hanesan ne'ebe UNDP fo ba kandidatu sira seluk. Kandidatu Francisco Guterres - Lu-Olo, por ezemplu, iha ninia relatoriu apresenta informasaun, hanesan kontein iha Lista 2, kona-ba apoiu jeneru husi UNDP ho kuantia 10,575.00 USD. Karik ne'e akontese duni mak hamosu desigualdade tratamentu, kestaun ida ke UNDP presiza asume responsabilidade.

- Relatóriu balu indika katak fundu mai husi subsidiu Estado Timor-Leste nian la gasta hotu, maibe sei iha balansu (surplus). Katak osan mak sira simu husi estado sira la konsege gasta hotu. Maiske ninia numeru (kuantia) ki'ik, la bo'ot, ne'e hamosu pergunta kona-ba oin-sa atu halo ho osan ne'e. Serake sira tenki hatama hikis osan ne'e ba estadu, ka oin-sa? Karik sira la hatama oin-sa? Lei eleisaun nian sira ka regulamentu electoral sira la prevê situasaun hanesan ne'e. Tamba kaer deit ba osan subsidiu husi estadu, iha relatoriu balu fali apresenta balansu ne'ebe hatudu katak gastus ba kampañe eleitoral sai bo'ot liu husi total montante fundu mak subsidia husi Estado Timor-Leste. Hodi liafuan seluk, sira apresenta balansu ho informasaun defisit;
- Iha kandidatu no partidu balu simu apoiu finanseiru husi militante no simpatizante sira ba aktividade kampañe eleitoral. Kona-ba ne'e, iha balu mak hateten sai iha sira nia relatoriu, maibe balu fali la apresenta informasaun hanesan ne'e. Ba sira mak apresenta iha relatoriu, sira hatuur finanseiru sira ne'e iha balansu nudar defisit ka nudar emprestimu.

7. Doasaun husi Rai-li'ur

- Iha kandidatu no partidu balu simu apoiu finanseiru husi rai li'ur ba aktividade kampañe eleitoral. Iha balu mak hateten sai iha sira nia relatoriu. PUN, ne'ebe simu kontribuisaun finanseira husi PDC Italia ho kuantia 16,278.03 USD no Kandidatu Joao Carrascalao, ne'ebe simu husi Australia osan ho kuantia 3,500.00 USD, apresenta iha sira ida-idak ninia relatoriu;
- Tuir vizaun legal sira ne'ebe mak CNE hetan, katak doador sira ne'ebe mak fo apoiu finanseiru ne'e laos "orgaan korporativu estrañeiru nian" ida, hanesan deskreve iha regulamentu STAE/II/2007 Artigu 31 (g).

8. Diskrepânsias/Inkonsistênsias Númerikas

- Iha relatoriu balu, tantu husi kandidatu sira nune'e mos husi partidu politiku no koligasaun partidaria sira, apresenta diskrepânsias/inkonsistênsias númerikas. Iha kazu, por ezemplu, total despejas nebe'e hamosu iha lista kompilasaun nian la han malu ho total despejas mak iha bazeia ba soma husi resibus gastus tomak mak apresenta iha relatoriu. Partidu UDT nia kazu, por ezemplu, total gastus bazeia ba resibus sira mak tama sai bo'ot liu husi total gastus mak fo sai iha balansu rendimentus no despejas (iha balansu rendimentus no gastus hakerek 46,500.00 USD, maibe total gastus bazeia ba resibus iha 46,499.95 USD;

| Numeru | Kandidatu Presidente sira | Loron Hatama Relatoriu | Reseitas (US\$) Informadas (inklui valor apoiu jeneru UNDP) | Despejas (US\$) Informadas (inklui valor apoiu jeneru husi UNDP) | Balansu (US\$) | Observasaun/komentariu ba Relatoriu |
|--------|------------------------------------|------------------------|---|--|----------------|---|
| 1 | Francisco Guterres - Lu-Olo | 31-07-2007 | 30,575.00 | 30,575.00 | 0.00 | <ul style="list-style-type: none"> ■ Preenxe tuir formulariu mak CNE prepara, maibe la kompletu; ■ Hateten sai apoiu jeneru husi UNDP ho valor 10,575 USD (iha tan 75 USD simu husi UNDP, ne'e presiza buka hatene, tamba partidu seluk la hetan hanesan ne'e; ■ Apresenta relatoriu kona-ba subsidiu husi estadu nian deit; la apresenta informasaun kona-ba rendimentu ne'ebe mai husi apoiante sira ka husi terseira parte (lista 2 mamuk); ■ La apresenta nota bankaria, no la iha deklarasaun bankaria; ■ Iha gastus mak hala'o li'ur husi periodu legal (ezemplu, iha gastus ba kombustivel ne'ebe hala'o iha fulan Juñu); |

| | | | | | | |
|---|--------------------------------|---------------------|-----------|-----------|-------|--|
| | | | | | | Fevereiru, loron nen molok Prezidente Republika publika sai loron eleisaun prezidensial nian. |
| 5 | Lucia Maria B. F.Lobato | 10-12-07 | 31,835.00 | 31,835.00 | 0.00 | <ul style="list-style-type: none"> ■ Relatoriu la-preenxe tuir formulariu mak CNE prepara no fahe; ■ La apresenta nota bancaria, la iha deklarasaun bancaria; ■ Apresenta listas gastus jeral nian (rekapitulasaun), aleinde listas gastus tuir distrito ida-idak ninian; ■ Apresenta resibus gastus nian, maibe ho formatu oi-oin; Balu ho formatu husi Sekretariadu/Finansas Gabinete Apoiu ba Kampañe Presidencial, balu uza resibu komersial nian, balu prepara husi Komisaun Electoral Distrital Partidu nian iha distrito; Resibu sira la organizadu tuir numeru sekuensia resibu nian, barak mak hakerek mos ho liman iha surat tahan deit; ■ Relata deit osan simu husi estadu no husi angariaisaun nian, no gastus mak uza husi osan mai husi fonte rua ne'e; ■ La relata apoiu jeneru husi UNDP nian, tantu ba lojistiku no mos ba telefone; |
| 6 | Jose Ramos Horta | Relatoriu la hatama | | | | CNE halo esforsu liu husi karta, telefones (husi Sekretariadu CNE no mos husi Prezidente CNE), karta elektronika, no kontaktus ho koordenador ekipa susesu kampañe kandidatu ne'e nian (Sr. Dionisio Babo) no ho pesoal apoiu administrativu Gabinete Prezidensial nian, hodi fo hanoin kona-ba dever atu hatama relatoriu ne'e. Maibe, infelizmente to'o oras ne'e CNE seidauk simu relatoriu. |
| 7 | Joao Viegas Carrascalao | 23-07-2007 | 57,000.00 | 56,999.95 | +0.05 | <ul style="list-style-type: none"> ■ La apresenta tuir formulario mak CNE prepara; ■ Iha nota bancaria, no iha deklarasaun bancaria; ■ Iha resibus/facturas sira, organizadu no tau kodigu ne'ebe hatudu korelasaun ho listas gastus mak iha; ■ Relata mos apoiu jeneru husi UNDP nian; ■ Relatoriu organizadu ho diak; ■ Hateten sai mos apoiu mak hetan husi apoiante sira (doadores de Timor), inklui mos husi rai li'ur (doadores da Australia); ■ Relata mos emprestimu ho kuantia 20,000.00 USD husi kandidatu rasik; ■ Iha gastus fora husi periodu legal. Iha loron 13 Fulan Abril, bazeia ba nota 25, por ezemplu, sei iha kompra ba vidru ba kareta. |

| | | | | | | |
|---|-------------|------------|-----------|-----------|------------|--|
| | | | | | | <ul style="list-style-type: none"> ■ Iha despejas mak halo li'ur husi periudu legal. Por ezemplu, despezas sei halo to'o loron 15 Fulan Jullu, ; ■ Iha nota bancaria no deklarasaun bancaria; |
| 4 | PDRT | 31-07-2007 | 39,500.00 | 38,500.00 | + 1,000.00 | <ul style="list-style-type: none"> ■ Relatoriu la apresenta tuir formulariu CNE; ■ Nota bankaria la iha; no deklarasaun bankaria mos la iha; ■ Apresenta listas gastus nian, ho kodigu resibus modelu partidu nian, no balu uza modelu komersial; ■ Iha gastus mak halo li'ur husi periudu legal (por ezemplu, gastus iha loron 27 de Julho); ■ Iha deit informasaun kona-ba fonte rendimentu husi Estado Timor-Leste nian, la iha husi parte terseitu; |
| 5 | PDC | 27-07-2007 | 40,500.00 | 41,857.50 | - 1,357.50 | <ul style="list-style-type: none"> ■ Relatoriu apresenta tuir formulariu CNE, maybe la kompletu no la ho akurasia; ■ La apresenta nota bankaria no deklarasaun bankaria; ■ Apresenta resibus gastus, maibe la organizadu, butuk hamoruk deit, no hamosus mos inkonsistencia balu; ■ Iha listas gastus hakerek ho liman deit, maybe la organizadu tuir loron halo gastus nian; ■ Apresenta deit osan husi estadu nudar fonte rendimentu, la iha husi parte seluk. |
| 6 | UDT | 23-07-2007 | 40,500.00 | 40.500.00 | 0.00 | <ul style="list-style-type: none"> ■ Relatoriu la apresenta tuir formulariu CNE, maiske nune'e organizadu ho diak; ■ Iha nota bankaria, no iha deklarasaun bankaria; ■ Iha resibus gastus nian, ne'ebe halo tuir modelu partidu nian mistura ho modelu komersial nian, iha kodigu resibus ne'ebe fasil atu hare koherensia ho lista gastus mak iha; ■ Iha informasaun kona-ba apoiu jeneru husi UNDP; ■ Fonte rendimentu husi estadu deit, la iha husi parte seluk; |
| 7 | PD | 24-09-2007 | 52,825.00 | 52.825.00 | 0.00 | <ul style="list-style-type: none"> ■ La apresenta tuir formulariu mak CNE prepara; ■ Relatoriu halo iha pajina rua; ■ Mensiona fonte reseita, inklui mos husi militante sira no apoiu jeneru husi UNDP; ■ Apresenta nota bankaria, maibe la iha deklarasaun bankaria; ■ La apresenta listas gastus no resibus gastus nian; ■ Disifil atu halo observaun ba kestaun legalidade, tamba la iha listas gastus ho loron halo gastus; |

| | | | | | | |
|----|-----------------|------------|--|----------------------------|-------------------------|--|
| | | | | | | <p>transferencia husi partidu nian, no gastus mak uza husi osan mai husi fonte rua ne'e;</p> <ul style="list-style-type: none"> ■ La relata apoiu jeneru husi UNDP nian, tantu ba lojistiku no mos ba telefone; ■ Iha gastus barak mak hala'o li'ur - molok ka liu - husi periodu legal. Iha resibu sira, por ezemplu, datadu 3-07-07 ho kuantia 27.50 USD ba kombustivel (25 litros) husi Belak Fuel iha Maliana; Iha mos resibu datadu 15-08-07 ho kuantia 360.00 USD; iha resibu datadu 16-08-07 ho kuantia 2,600.00 USD; Iha resibu datadu 20-08- 2007 ho kuantia 115.00 USD; iha resibu datadu 17-08-07 ho kuantia 240.00 USD; iha resibu datadu 30-07-2007 ho kuantia 12.40 USD; iha resibu datadu 13-08-2007 ho kuantia 300.00 USD; iha resibu datadu 10-07-07 ho kuantia 150.00 USD; Iha resibu hamotuk 12 husi Distritu Liquica nian mak datadu 1-01-07 ho kuantia varia husi 50.00 USD to'o 150.00 USD. |
| 11 | AD KOTA/ PPT | 25-07-2007 | 43,000.00 (Husi KOTA nian) 33,000.00 (PPT nian) | 43,000.00 34,551.50 | 0.00- - 1,551.50 | <p>KOTA no PPT aprezena relatoriu keta-ketak; KOTA:</p> <ul style="list-style-type: none"> ■ Aprezena relatoriu tuir formulariu mak CNE prepara, maibe la kompletu no ho akurasia. Iha lista 2, por ezemplu, la mensiona donativu singular, ne'ebe hamosu iha Lista 1; ■ Aprezena resibus kona-ba gastus sira mak akontese, maibe la organizadu ho diak (butuk hamotuk deit tau iha envelope ida); ■ Relata deit osan husi estadu nian, no gastus ho osan subsidiu ne'e; ■ La hateten sai valor apoiu jeneru mak simu husi UNDP; ■ La iha deklarasaun bankaria; ■ Relatoriu sei iha kestaun barak ne'ebe ezize klarifikasaun; ■ Iha gastus li'ur husi periodu legal (ezemplu, iha resibu gastus halo iha loron 20 Jullu, hola mixer). ■ Iha informasaun kona-ba fonte seluk (doador singular); <p>PPT:</p> <ul style="list-style-type: none"> ■ La aprezena konta bankaria, no la iha deklarasaun bankaria; ■ Aprezena relatoriu tuir formulariu mak CNE prepara, maibe la kompletu no la ho akurasia (buradu, hamosu duvida); ■ Iha listas gastus, hakerek ho liman deit, la iha loron halo gastus nian; ■ Iha resibus, la organizadu, balu hakerek ho liman iha surat tahan deit; ■ Relata deit osan simu husi estadu, no gastus mak uza husi osan subsidiu ne'e; la iha informasaun husi fonte seluk; ■ Aprezena resibus ba gastus, maibe la organizadu. Iha mos resibus mai husi |

| | | | | | | |
|----|------------|------------|-----------|-----------|----------|--|
| | | | | | | <ul style="list-style-type: none"> ■ Iha lista 1 hakerek iha balansu 25,343.94, maibe rendimentu kompara ho lista gastus, maka balansu sai zero; |
| 14 | PUN | 30-07-2007 | 70,778.03 | 70,449.04 | + 328.99 | <ul style="list-style-type: none"> ■ Preenxe tuir formulariu mak CNE prepara, no organizadu ho diak; ■ Apresenta fonte sira sira fo kontribuisaun finanseira, inklui mos husi PDC Italia no husi Presidente PUN rasik; ■ Iha nota bankaria. Iha mos deklarasaun bankaria, maibe ba fundus estadu nian deit, la iha kona-ba fundu sira seluk; ■ Iha resibus gastus nian, maibe kahur malu, la diskriminaliza tuir fonte rendimentu (estadu, non-estadu, inklui mai husi rai li'ur); |

Dili, Janeiro 2008
Faustino Cardoso Gomes
Presidente CNE

CENTRO DE FORMAÇÃO JURÍDICA

Graduação dos formandos do 2º curso de formação para juiz, procurador e defensor público que terminaram o estágio de formação homologada pelo Conselho de Gestão do Centro de Formação Jurídica em 19 de Dezembro de 2007, nos termos do artigo 17º do Decreto-Lei 15/24, de 15 de Setembro:

1. Graduação de candidatos a Defensor Público Estagiário

| Ordem | NOME | MÉDIA GERAL 1ª FASE | MÉDIA GERAL 2ª FASE | MÉDIA FINAL |
|-------|---------------------|------------------------|------------------------|----------------|
| 1º | Sérgio Dias Quintas | 11.06 | 11.4 | 11.2 |
| 2º | Rui Manuel Guterres | 10.33 | 11.8 | 11.1 |
| 3º | Marçal Mascarenhas | 10.1 | 11.3 | 10.7 |
| 4º | Laura Valente Lay | 10 | 10.6 | 10.3 |

2. Graduação de candidatos a Procurador da República Estagiário

| Ordem | NOME | MÉDIA GERAL 1ª FASE | MÉDIA GERAL 2ª FASE | MÉDIA FINAL |
|-------|-----------------------------|------------------------|------------------------|----------------|
| 1º | Remízia Fátima da Silva | 14.7 | 14.7 | 14.7 |
| 2º | Alfonso Lopes | 12.96 | 13.1 | 13.0 |
| 3º | Benvida da Costa do Rosário | 11.8 | 12.5 | 12.2 |
| 4º | Hipólito Exposto M Santa | 11.47 | 12.1 | 11.8 |

3. Graduação de candidatos a Juiz Estagiário

| Ordem | NOME | MÉDIA GERAL 1ª FASE | MÉDIA GERAL 2ª FASE | MÉDIA FINAL |
|-------|----------------|------------------------|------------------------|----------------|
| 1º | João Ribeiro | 16.2 | 14.6 | 15.4 |
| 2º | Afonso Carmona | 14.7 | 14 | 14.4 |

Díli, 14 de Janeiro de 2008